



KOMISIJA UJEDINJENIH NACIJA O STATUSU ŽENA

16 DAYS OF ACTIVISM AGAINST GENDER-BASED VIOLENCE
16 DÍAS DE ACTIVISMO CONTRA LA VIOLENCIA DE GÉNERO
16 JOURS D'ACTIVISME CONTRE LA VIOLENCE DE GENRE
25 NOV - 10 DEC <http://16dayscwg.rutgers.edu>



Šta je Komisija o statusu žena?

Komisija o statusu žena (CSW) jeste operativna komisija Ekonomskog i socijalnog vijeća Ujedinjenih nacija (ECOSOC). Komisija je ustanovljena 1946.g. i predstavlja najznačajnije globalno tijelo čiji rad je posvećen razvoju politika ravnopravnosti polova i unaprijeđenja položaja žena. Cilj rada Komisije o statusu žena je da kreira preporuke i izvještaje za ECOSOC i promovira politička, ekonomska, građanska, društvena i edukativna prava žena. Predstavnice i predstavnici država članica se okupljaju u sjedištu Ujedinjenih nacija u Njujorku kako bi analizirali postignute rezultate u oblasti ravnopravnosti polova, uočili prepreke, uspostavili opšte standarde i kreirali specifične politike promoviranja ravnopravnosti polova i unaprijeđenja ženskih ljudskih prava širom svijeta.

Komisija o statusu žena svake godine priprema zaključke u prioritetnim oblastima i ovi zaključci se fokusiraju na analizu napretka, nedostataka i poteškoća, kao i set specifičnih preporuka za rad vlada, međuvladinih tijela i drugih institucija, aktera civilnog društva i drugih zainteresovanih strana na lokalnom, regionalnom, državnom i međunarodnom nivou. Osim zaključaka, Komisija usvaja i izvjestan broj rezolucija o pitanjima u vezi sa ljudskim pravima. Svoj godišnji izvještaj Komisija podnosi ECOSOC-u na odobrenje i usvajanje.

58. sjednica Komisije o statusu žena (2014)

58. sjednica Komisije o statusu žena će se održati u sjedištu Ujedinjenih nacija u Njujorku, od 10. do 21. marta 2014.g.

Tema u fokusu ove sjednice CSW-a je usmjerena na **poteškoće i rezultati u realizovanju Milenijskih razvojnih ciljeva za žene i djevojčice**. Članice Komisije će diskutovati o učešću i pristupu obrazovanju, treningu, nauci i tehnologiji za žene i djevojčice, te promoviranje ravnopravnog pristupa žena radu i zapošljavanju. Pogledajte zaključke 55. sjednice Komisije o statusu žena kako biste saznali više informacija, na direktnom linku: <http://www.un.org/womenwatch/daw/csw/agreedconclusions.html#55>.

Možete saznati više o 58. sjednici Komisije o statusu žena na direktnom linku: <http://www.un.org/womenwatch/daw/csw/58sess.htm>.

Kako možete učestvovati?

Ohrabrujemo zainteresovane organizacije civilnog društva da posjete web stranicu Komisije o statusu žena, kako bi saznale detalje o mogućnostima učestvovanja u pripremama i konkretnim aktivnostima 58. sjednice Komisije o statusu žena. Nevladine organizacije koje su akreditovane pri ECOSOC-u Ujedinjenih nacija mogu prijaviti predstavnice i predstavnike za učešće na godišnjim sjednicama Komisije o statusu žena, i mogu poslati pisane komentare i nezavisne izvještaje. Predstavnice i predstavnici nevladinih organizacija sa konsultativnim statusom se mogu prijaviti za otvorena službena zasjedanja Komisije o statusu žena.

Za više informacija, posjetite direktni link: <http://www.un.org/womenwatch/daw/csw/NGO.html>.

Prevela: Minja Štrbac, Fondacija Udružene žene Banja Luka, BiH